


Bibele ya banana
Itiswa ku mina



Lihalimu,
Munzi o
Munde o
Makaza Wa
Mulimu



I ñozwi ki: Edward Hughes

I bonisizwe ki: Lazarus; Alastair Paterson

I hamuhezwi ki: Sarah S.

I tolokilwe ki: JARNIX M. MASIYE


I hatisiswe ki: Bible for Children
www.M1914.org

©2020 Bible for Children, Inc.

Zibiso: Mu lukuluhile kukopisa likande le kapa
ku liñola, kono hamu lumelezwi ku lekisa.



Jesu a na sa pila fa lifasi, na
bulelezi balutiwa ba hae ka za
lihalimu. Na li bisa
kuli, "Ndu ya
Ndate", mi a
bulela kuli
kuna ni




miyaho ye miñata mwateni.




Muyaho ki ndu ye tuna ye nde
kakufitisa. Lihalimu ki
leli tuna luli mi ki
leli nde ku fita
miyaho kaufela
ya lifasi.



Jesu a bulela ali, "Ni ya ku yo mi lukiseza sibaka. Mi a ni ya ku yo mi lukiseza sibaka, ni ka kuta ku to mi nga kuli mu yo ina kuna."



Jesu na ile kwa lihalimu kasamulaho a ku zuha kwa bafu. Balutiwa ba hae banze ba mu lubukezi cwalo, Jesu a ngelwa mwa lihalimu, mi lilu la mu kwahela kuli ba sike ku mu bona.





Kuzwa fo, baKreste ba kala ku
hupula sepiso ya Jesu ya kuli
u ka kuta ku to banga.

Jesu na bulezi
kuli u ka kuta ka
sipundumukela
mu sika

KU INA NI
MULENA

itukiseza.




Cwale ku kaba cwani kwa baKreste
bao ba shwile Jesu a sika taha
kale? Bibele i bulela kuli b
aka u kopana ni Jesu.
Ba ka siya mubili wa
lifasi le ni ku yo
ina ni Mulena.



Sinulo, buka ya mafelelezo mwa Bibele, i
lu bulelela ka mo lihalimu li inezi. Taba ye
tabisa hahulu ki kuli, Lihalimu ki Munzi wa
Mulimu. Mulimu u inzi kai nikai, kono
sipula sa

hae sa bulena si kwa
lihalimu.



Mangeloi ni ze pela kaufela kwa lihalimu
zi lumbeka Mulimu mwa lihalimu. Ku
cwalo ni kwa batu ba
Mulimu baba shwile ili bao
ba ile kwa lihalimu. Ba
opela lipina
za tabo za
ku lumbeka
Mulimu. Ki
a manzwi
a ...




... mañwi a zwa mwa pina ye ñwi ye ba
opelanga: U LUKELA KU NGA BUKA
NI KU LAMUTULULA
LILAMATELA ZA YONA
KAKULI N'O U BULAI-
LWE, MI
KA MALI
A HAO
MULIMU
U ...




... LIULULEZI BATU BA MASIKA
KAUFELA, BA LIPUO, BA MISHOBO
NI MACABA KAMUK-
ANA, ULU EZELIZE
MALENA NI BAPRISITA
BAB
SEBELEZA
MULIMU
WA LUNA.
(Sinulo
5:9)




Makepe a mafelelezo a Bibele a toloka
Lihalimu kuli "Jerusalema yo mu nca." Ki
Muleneñi o mu tuna-tuna ona ni limota leli
tuna kwa nde.




Limota leli benya luli twaa sina gauda.
Gauda hamoho cwalo ni macwe a mañwi a
butokwa a kabisize limota la muyaho a
nze benya mwa mibala ...




... ye shutana-shutana. Munyako ni
munyako ne u pangilwe fa pelela iliñwi ye
tuna!




Minyako yeo ye mi tuna ye pangilwe fa
lipelela i kwafuluzwi nako kaufela. Aluyeni
mwa teñi lu yo iponela ... Wuul! Lihalimu ki
leli nde ni ku
fita
mwahali.




Ki muleneňi o ezizwe fa gauda ya niti ye swana sina bolela ye kenile. Ni haiba mikwakwa ya mwa teňi kaufela I ezizwe fa gauda.




Nuka ye nde kakufitisa, ye nani
mezi a bupilo a kenile a bubelakwa
lubona Iwa Mulimu. Kwa lineku ni
lineku la nuka yeo kuna ni kota ya
bupilo ili yeo ne ifumanwi Iwa pili mwa
simu ya Edeni.




Ki kota ya butokwa luli. I beya
mifuta ya miselo ye lishumi ni ye
mibeli fapahana-fapahana ka kweli ni
kweli. Mi matali a kota ya bupilo ki
kalafo ya macaba kaufela.




Lihalimu a li tokwi liseli la lizazi
kapa la kweli. Kanya ya Mulimu ki
yona ye taza lihalimu ka liseli leli
likomokisa hakalo. Ku Sali ku kalela
ku sabi ni busihu mwateni.



Ni haiba lifolofolo ze mwa lihalimu
ali swani ni za mwa lifasi. Li nan i
silikani ni mutu hape a li holofazi.
Lingwe ni lipuli li fula bucwani
hamoho.



Mane ni zona litau li fula mutaka
sina likomu. Mulena Mulimu a bulela
ali, "A li na ku holofaza kapa ku
bulaya mwa lilundu la ka leli kenile."



A lu ka talimisisa mwa lifasi lu ka lemuha
ki ze ñata ze shutana ni za mwa lihalimu.
Manzwi a
nyemisa a
utwahali
mwateni.



Akuna ya Iwana kapa ku koma yo muñwi.
Akuna likulu-kulu kwa minyako kakuli
akuna masholi
mwa
lihalimu.
Akuna
mahata,
likebe-
nga, baloi
kapa batu
ba lipilu zemaswe.



Akuna sibi sa mufuta ufi kapa ufi mwa
lihalimu.




A mu inzi ni Mulimu mwa lihalimu, akuna mioko ni ka muta. Mwa linako ze ñwi, batu ba Mulimu ba lilanga bakeñisa maswa a fumaneha mwa bupilo bo luli ku bona. Mwa lihalimu, Mulimu u ka takula mioko kaufela.




Akuna ni haiba lifu mwa lihalimu.
Batu ba Mulimu ba ka ina ni Muleña
kuya-ku-kuile.


Akuna kuba
ni maswabi
kapa ku lila
kapa ku
utwa
butuku.



Akuna kukula, akuna ku siyana,
akuna ku shwa. Mutu kaufela ya
mwa lihalimu u
tabile nako
kaufela ni
Mulimu.



Taba ye tabisa kakufitisisa ki kuli,
lihalimu ki la bashimani ni basizani
(ni babahulu kaufela) bao
ba lumezi ku Jesu
kuli Mupulusi wa
bona ni ku
lumela ku
yena kuli
ki Mulen'a
bona.



Mwa lihalimu kuna ni buka ye bizwa
Buka ye Ngunyana ya Bupilo. I tezi
mabizo a batu. Kana mwa ziba kuli ki
mabizo a bo mañi a ñozwi
mwa teñi? Ki a batu
kaufela baba
beile sepo ya
bona ku Jesu.
Kana libizo la
hao li teñi
mwateñi na?



Manzwi a mafelelezo mwa Bibele
ao a bulela ka za lihalimu, ki
menao ye komokisa.



"Mi moyo o kenile ni munyaliwa bali,
'A mu tahe!' Mi mu lumeleze mutu
kaufela ya utwa ku bulela kuli 'A mu
tahe!'



Ya shwile linyolwa kaufela a tahe.
Ni ya lata kaufela a lumelezwe ku
shimba abupilo mahala."



Lihalimu, Munzi o Munde o
Makaza Wa Mulimu

Likande leli zwa mwa linzwi la
Mulimu, Bibele

Lifumaniwa mwa

Joani 14; 2 Bakorinte 5;
Sinulo 4, 21, 22

"Makalelo a lituto za hao a tisa liseli."
Lisamu 119:130





KU FELILE



Bibele ye I lu bulelala ka
za Mulimu wa luna yo munde yo
a lu bupile mi a bata kuli lu mu zibe.

Mulimu wa ziba kuli lu ezize lika ze maswe zeo
a a biza kuli sibi. Koto ya sibi ki lifu, kono
Mulimu u lu latile hahule kuli mane u lu lumezi
Mwan'a Hae Jesu, ku to shwela libi za mina fa
sifapahano. Kono Jesu a zuha hape kwa bafu
mi aya kwa hae kwa lihalimu! Haiba mu lumela
ku Jesu ni ku kupa kuli a mi swalele libi za
mina, U ka mi swalela! U ka taha ni ku to
pila ku mina isali ona foo, mi u ka pila
ku mina kuya-kuile.



Haiba mu lumela kuli taba ye
ki ya niti, mu bulele tapelo ye ku Mulimu:
Oho Jesu, Na lumela kuli u Mulimu, mi na
ikezize mutu bakeñisa libi zaka, mi ku zwa
kacenu u ka pila ku na hape. Ni kupa kuli
u kene mwa bupilo bwa ka mi u ni swalele libi
za ka, ili kuli zazi le liñwi ni yo ina ni Wena
kuya-kuile. U ni tuse ku ku lalelela ni ku pilela
ku wena kaku ba mwan'a Hao. Amen.

Mu bale Bibele, mi mu bulela ni Mulimu
zazi ni zazi! Joani 3:16

